

TE HEHEURAA API

»»»»»
ATETE 1939
«««««

TE MAU API NO TE RAAU ORA

TE MAHA O TE API

NO te mea e mea mo'a ana'e te mau faaueraa o te evanelia, e mea tia ia vai mau te mana no te ra'i mai no te faatereraa ia ratou. Te baptizoraa tei ravehia e te hoê tei ore i faataahia no te reira ohipa, e mea faufaa ore ia, aita to'na e faufaa e aita atoa e mana. Mai te mea e tuu te hoê taata, tei ore i faatoroahia, i to'na rima i nia i te upoo o te hoê taata tei faaroo e tei baptizohia, noa'tu e ua tano maitai to'na raveraa, eita roa te Varua Maitai e tae mai i roto ia'na. Noa'tu i te mau mana'o maitai o na pae e piti, e faufaa ore roa te raveraa mai te mea aita te mana e vai ra. Eita roa te hoê taiete, te hoê amuiraa, te hoê haavaraa, e a ore râ te hoê hau e farii i te mau ohipa a te hoê taata, maori râ ua faatoroahia oia no te reira ohipa. No te aha ia te Arii rahi e farii ai i te mau raveraa o te mau taata tei rave i nia ia ratou iho te mau ohipa tei ore roa i titauhia ia ratou ia rave, e na roto i to ratou mau raveraa tia ore, te mau haamaitairaa tei faataahia na to'na mau tavini tei maitihia e ana, ia rave?

E mea maere ia mana'o te mau taata ite e te paari, o tei ite papu e ia vai mau te mana i roto i te ohipa a te taata nei e tia'i, e ere ia i te mea tia ia vai te reira i roto i te mau ohipa mo'a; e ia ore te hoê taata mana no teie ao ia haapao i te ohipa a te hoê atu tei faahua mono i te hoê hau, e a ore râ i te hoê arii, ia farii te Arii mure ore i te mau raveraa o te hoê taata feruriraa faaroo, tei maiti ia rave i te mau oro'a e te mau faaueraa i roto i to'na i'oa mana rahi.

E tia i te hoê taata, na roto i to'na faaroo i te Atua, ia farii i te haamaitairaa, ia ite i te orama, ia farii i te horoaraa no te ra'i mai e ia noaa atoa ia'na te mau mana no te pae varua, area râ, eita roa e tia ia'na ia rave e ia faatere i te hoê noa a'e oro'a i roto i te i'oa o te Fatu. Eita e tia i te taata ia rave i te reira mana; ia horoahia râ ia na roto i te ture i faataahia no te reira e tia'i.

I te mau tau atoa ua vai te Ekalesia, e a ore râ, te hoê pū-pū taata faaroo mau no te Atua i nia i te ao nei: ua tono mai Oia i rotopu ia ratou i te tahi mau taata tei faatiahia e ana ia rave i te ohipa i roto i to'na i'oa. E teie te tahi pae o ratou, oia hoi, o Noa, Melehizedeka, Aberahama, Mose, Eliaha, Petero, Iakobo, e Ioane, e e rave rahi atu â. E ere ana'e ua farii ratou i te Varua Maitai, ua faataahia e ua maitihia ratou no te raveraa i te ohipa ei mono no te Atua. Tei haamauhia e ratou i nia i te fenua nei ua haamauhia ia i te ao ra, e tei tuuhia e ratou i te fenua nei, ua tuu-atoa-hia ia i te ra'i. Oia hoi, te mau mea atoa ta ratou i rave, mai te au i te faaueraa a te Atua ua fariihia ia e ana, e ua faito te mana o te reira, mai te mea râ e ua ravehia ia e te Fatu iho. E te mana tei raro a'e i te reira, ua faito ia i te faufaa ore.

E taua mana tei horoahia i te taata, no ô mai i te Atua, ua parauhia ia te Autahu'araa. I te tahi mau taime ua faaauhia te reira i nia i te taata tei mau i tana mana ra. Te tia ra, o te parau ia no te toroa, eiaha râ no te taata. E tahu'a rahi roa o Melehizedeka e e mea mure ore te mana tei mauhia e ana i roto i to'na huru. Aita te reira i faataahia no nia i te aufau fetii, no te metua tane e no te metua vahine, e ua papaihia e, "e tahu'a oia e a muri noa'tu"; oia hoi, e tapea oia te reira i roto i teie nei ao e i te ao e haere mai nei. Ua farii o Aarona i te hoê Autahu'araa tei huru e i to'na faito, e tei hee i roto i te utuafare, mai te metua i nia i te tamaiti, e tei raro a'e te reira i te Autahu'araa Teitei mai te au ia Melehizedeka.

Ua mau e ua faatere o Ioane Bapetizo i te Autahu'araa a Aarona, area râ, ua farii e ua rave Iesu i te ohipa a te Autahu'araa a Melehizedeka. No reira ua tia noa ia Ioane ia bapetizo no te matararaa i te hara, aita râ i tia ia'na ia horoa i te Varua Maitai, mai ia Iesu ra. O Philipa, na roto i te mana o te Autahu'araa iti, ua tia ia'na ia bapetizo i te mau taata no Samaria, area ua titau oia ia Petero, e a ore râ i te tahi atu aposetolo, tei mau i te Autahu'araa teitei, ia haere

mai e ia
te Varua

Aita o
maiti oia
parauhia
tua ia'n
Melehiza
i to rau
raa i tei
i te rei
faahuru
toa Oia,
ua na r

Ua te
i te Eka
raa, e i
nohia te
mana n
hia te r

Ia mo
faahou
Noa'tu
tupu, e
no te e
ra. Eit
fatu",
noa ua
hinaarc

E ho
ore ia v
mana,
veraa c
i nia i t
haapiih
E ia ta
faahou
te hoê
te fare
hia to'
e a ore

mai e ia tuu i te rima i nia ia ratou ia tia ia ratou ia farii i te Varua Maitai.

Aita o Iesu i rave i te mana i nia Ia'na iho noa'tu e, e Tamaiti oia na te Atua. "Aita oia i faahanahana ia'na iho ia parauhia e, e Tahu'a rahi", area ra, ua parau mai to'na Metua ia'na, "E tahu'a oe e a muri noa'tu, ia au i te parau ia Melehizedeka". Ua mau o Mose e o Eliaha i taua mana ra i to raua mau mahana e ua tapea i te reira i to raua faarue-
raa i teie nei ao tahuti nei, e ua haere mai raua e ua horoa i te reira Autahu'araa i nia ia Iesu, i nia i te mou'a no te faahuru-ê-raa. Mai ta te Metua i maiti ia'na, ua na reira atoa Oia, i te mau aposetolo, e i raro a'e i te faatereraa mo'a, ua na reira atoa ratou i te maiti e i te faataa ia vetahi.

Ua tere noa te Autahu'araa, i roto i na tufaa e piti, i roto i te Ekalesia Cherisetiano matamua e tae noa'tu i te taivaraa, e i reira ua ravehia ia no rotopu i te taata nei, e ua monohia te reira i te hoê autahu'araa haavare, tei ere roa i te mana no te ra'i e te faaurûraa no te ra'i mai, e ua faaterehia te reira e te mau taata teoteo e te imi peu.

Ia mo'e ana'e te Autahu'araa, eita roa ia te reira e noaa faahou na roto i te tiaturi, te hinaaro e te raveraa a te taata. Noa'tu te puai o te hinaaro o te hoê ia aupuru i to'na taata tupu, eiaha roa oia e titau i te rave i nia ia'na te mau oro'a no te evanelia, maori râ ia parauhia oia e te Atua ia na reira. Eita râ te reira maitiraa e tae noa mai "I roto i te mafatu", e a ore râ, te mana'o. E rave rahi te taata tei mana'o noa ua "Maitihia" ratou no te ohipa. Eita ra te reira ana'e hinaaro e horoa ia ratou te Autahu'araa.

E horoahia te Autahu'araa na roto i te faatoroaraa. E ia ore ia vai te hoê taata, i roto i te tino nei, tei mau i te reira mana, e mea tia ia ia faaho'ihia mai te reira na roto i te raveraa o te mau ve'a o te ra'i tei mau i te reira i te matamua i nia i te ao nei. E tia ia ratou ia ho'i mai, ia faauehia e ia haapiihia ratou, mai ia Mose e Eliaha i nia i te mou'a ra. E ia taati faahouhia te avei no te reira, e eita ratou e tahiti faahou na nia i te reni o na ao e piti no taua ohipa ra, ia vai te hoê taata i te ao nei tei mau i te mana mau. No te mea, te fare o te Atua, e fare ia no te tia, e eita roa e tia ia haruhia to'na Autahu'araa, ma te peapea ore, e te hoê taata nei, e a ore râ, te hoê taata no te ra'i.

Na roto i te faaurûraa e na roto i te haapaoraa i te tahi mau ture, e tia i tei mau i taua Autahu'araa ia faatoroa i te tahi atu â mau taata na roto i te tuuraa o te rima. E mai te mea te vai au noa ra te ao nei no to'na horoaraa e te mau haamaitairaa te pee mai na muri i te reira, e mea tia roa ia faaterehia te reira i nia i te fenua nei e ia riro ei ravea no te paraparauraa i rotopu i te Atua e te taata, e te hoê aratai no te taata na roto i te uputa afaro e te pirihaio te faatae i te ora, Ia ore ana'e te reira, e ori haere noa te taata i roto i te poi-ri o te pae varua, e te feia tei mana'o e, e haere ratou i mua ei aratai no te taata, e riro ia ratou ei aratai matapo no te taata matapo' e ta ratou atoa ra mau raveraa i roto i te i'oa o te Atua, o tei ore roa i tonono mai ia ratou, ua riro ia ei mea faufaa ore e te mana ore i teie taime e a muri noa'tu.

*Papaia e C. W. Penrose, te hoê Aposetolo
Faaauhia e: reo Tahiti e K. R. Stevens
Peresideni Misioni*

EDITORIALE

E PARAU NO NIA I TE BAPETIZORAA

TE TUMU NO TO'NA OPUARAA

E teie nei, te parau atu nei au ia outou e, ia tatarahapa outou ia fanau faahou e tia'i; te parau mai nei hoi te Varua e, Ia ore outou ia fanau faahou, e ore e roa ia outou te basileia o te ao; e tena na, ia haere mai, e ia bapetizohia i te tatarahapa, ia tamâhia outou i to outou mau hara. . . .

E o te na reira ra, e o te haapao i te mau faaue a te Atua mai reira'tu â,—e noaa te ora mure ore ia'na; te au ia i te parau a te Varua Maitai, o tei faaite mai ia'u nei. (Alama 7:14-16)

E teie nei, a farii na outou i te mau mea ta'u i faaite ia outou ra e, i ite au e, e ravehia ia e to outou ra Fatu, e to outou Faaora: Ia ite outou i te uputa e au ia haerehia e ou-

tou na,
mohia'i
raa i te
tou mau

IA VAIM

E ua
tia'i, e
pu i Te
ratou e

Ua p
tatarah
ra Tam

Ua ta
mai e,
Varua
tena na
ite ia'u

E ina
i te tata
9:27)

TE HURU

E ua
na no
vau i n
mau ta
te man
na ô ne
outou.
ta'na
ia bape
ratou:
ra i'oa
i raro
Nephi

tou na, i faaitehia mai ai taua mea ia'u ra. Te uputa e tomohia'i e outou ra, o te uputa tatarahapa ia, e te baptizoraa i te pape, e i muri iho e tae mai ai te faaoreraa i ta outou mau hara i te auahi e te Varua Maitai. (2 Nephi 31:17)

IA VAI MAU IHO A

E ua faaue mai hoi oia ia tatarahapa te mau taata atoa e tia'i, e ia baptizohia i roto i to'na ra i'oa, ma te faaroo papu i Tei Mo'a i Iseraela nei, e ia ore ratou ia na reira, e ore ratou e ora i te basileia o te Atua. (2 Nephi 9:23)

Ua parau maira hoi te Metua, A tatarahapa na outou, a tatarahapa na outou, e ia baptizohia outou i te i'oa o ta'u ra Tamaiti here.

Ua tae maira hoi te re'o o te Tamaiti ia'u nei, i te na ôraa mai e, O te baptizohia i to'u nei i'oa, e horoahia mai ia te Varua Maitai e te Metua ia'na ra, mai ia'u atoa nei hoi; e tena na, A pee mai ia'u nei, a rave i te mau mea ta outou i ite ia'u i te raveraa ra. (2 Nephi 31:11, 12)

E inaha, e haere mai oia e faaora i te taata e baptizohia i te tatarahapa, na roto i te faaroo i to'na ra i'oa. (Alama 9:27)

TE HURU O TO'NA RAVERAA

E ua na ô atura te Fatu ia'na, Te horoa'tu nei au i te mana no oe ia baptizo oe i teie nei feia ia haere faahou atu vau i nia i te ra'i. Parau faahou atura te Fatu ia vetahi e mau taata, e hoê â ia ta'na parau ia ratou; e ua horoa'tu i te mana no ratou ia baptizo. E ua na ô atura ia ratou, E na ô nei outou i te baptizo; eiaha hoi e mârôraa i rotou ia outou. Amene, e parau atu vau ia outou, o te tatarahapa i ta'na mau hara na roto i ta outou mau parau, e te hinaaro ia baptizohia i to'u ra i'oa, e na ô nei outou i te baptizo ia ratou: inaha, e haere outou i raro i te pape tia noa'i, ei to'u ra i'oa e baptizo outou ia ratou.—Ei reira faahopu ai ia'na i raro i te pape, a haere faahou mai ai i rapae i te pape. (3 Nephi 21-23, 26)

TE PARAU AUTAHU'ARAA

No te Ava'e SETEPA

TE MAU TAATA TUIROO O TE BIBILIA

A FAATANANO I TEIE MAU UIRAA I NIA I TE
MAU TAATA'TOA E HAAPIIHIA

1. E peropheta anei oia ? 2. Ua tohu mai anei oia i te tahi mau to-
huraa ? 3. Ua tupu anei ta'na mau tohuraa ? 4. Eaha te huru o to'-
na maitiraahia ? 5. Eaha te mau ohipa i faataahia na'na ? 6. E mea
tia anei to'na raveraa i ta'na ohipa, e a ore râ, aita anei ? 7. Eaha
te tumu i na reira'i oia ? 8. Ua maururu anei te Atua ia'na ? No
te aha ? 9. Eaha te rê i roaa ia'na no to'na ora ? 10. Eaha te fau-
faa rahi no to'na ora ia tatou nei ?

Setepa 3. ISAIA. Isaia 2:2, 3; 5; 6:8-13; 7:14; 9:8; 10:
4; 25:6-9.

Setepa 10. IEREMIA. Ieremia 1:4-10; 2; 3; 7:21-34; 25:11-13

Setepa 17. EZEKIELA. Ezekiel 1:3; 2; 3; 6; 36:16-38;
43:2-11.

Setepa 24. Hi'opoaraa.

Na Te Mau Maapii

Mahaere na te Mau Utuafare

TE HAAPAORAA I TE MAHANA SABATI.

Tei horoahia mai ei ture na te Atua, te vai mana noa nei
â i roto i to'na parau mau, oia hoi, ia riro te reira ei mahana
faaearea e te haamoriraa. Ua patuhia to tatou mau fare pu-
reraa no te haamori i te Fatu i reira, e e mea tia roa ia haa-
mori tatou ia'na. Mai te mea eita tatou e na reira, e ite ia
tatou ia tatou iho i te haamoriraa i te tahi mau mea ê atu.
mai te moni, te taata, te mana'o, etc. Ia haere mai tatou i
to tatou mau fare pureraa, e mea maitai ia faatura tatou i
te reira ma te parahi hau noa e te haamana'o maitai e, tei
reira tatou. Mai te mea e na reira tatou, e mea papu roa e
rahi roa mai te Varua o te Fatu, e e rahi roa'tu to tatou oa-
oaraa no te mau pureraa. E tei hau roa'tu, ia haere ihoa te
mau Feia Mo'a no te mau Mahana Hopea Nei i te mau Pu-
reraa Oro'a, no te mea o te taima e te vahi tei au roa no te
haamori e te faatura i te Fatu. E mea tia roa ia tupu te hi-
naaro ia tatou ia haamori i te Atua na roto i te himene, te
pure, te haapiiraa e te a'oraa.

E au m
Atua ra,
aore ia i

Maha
na tuah
te haap
tou ia o
i te har
tou i te

Ua i
sia i tei
paari e
te feia

Te i

1. To
2. Te
3. Te

Te tahi
te I Nephi

Te

Pene
rah

Pene
Ek

Pene
te l

Pene
rein

Maha

TE SOTAIETE VAHINE TAUTURU

No te Ava'e SETEPA

Irava tamau aau: I Ioane: 4: 7, 8

E au mau here e, e aroha tatou ia tatou iho: no ô mai hoi te aroha i te Atua ra, e o tei aroha ra, ua faafanauhia ia e te Atua. O tei ore i aroha ra, aore ia i ite i te Atua; e aroha hoi te Atua.

Mahana Maha (Matamua)

Mahana iritiraa mana'o e te himeneraa. Ia maiti atoa-hia na tuahine hahere na te mau utuafare, e ia haere raua ma te haapii haere i te parau no te АРОНА. *Ia hamani maitai outou ia outou iho, ma te aau maru aroha noa, ma te faaore hoi i te hara te tahi e te tahi, mai ta te Atua i faaore mai i ta outou i te Mesia ra.* (Ephesia 4:32).

Ua i te Faufaa Api i te parau faaite no te aroha o te Mesia i tei pohehia i te ma'i, te matapo, te taata lepera, te feia paari e te feia mau'a hoi e tae nea'tu i tei ore i mauruuru e te feia rave hara.

Mahana Maha (Piti)

Te mau Episetole I, II, e te III a Ioane ra.

Te mau haapiiraa a Ioane:

1. To tatou haapaoraa. I Ioane 2:3, 4.
2. Te tamataraa i to tatou faaroo. I Ioane 4:2, 3.
3. Te tamataraa i to tatou here taeae. I Ioane 4:7, 8.

Mahana Maha (Toru)

Te tahi mau haapiiraa no roto mai i te Apokalupo a Ioane ra. (A tai'o i te I Nephi 14:18-27).

Te Apokalupo:

Pene 1. Te mau tumu no to Ioane fariiraa i ta'na orama rahi hanahana.

Pene 2 e te 3. Te mau parau faaite i na Amaa e hitu o te Ekalesia ra.

Pene 4 e tae noa'tu i te 11. Ua tatarahia te reira i roto i te Buka Fafau, pene 77.

Pene 12 e tae noa'tu i te 22. E mau parau tohu ana'e te reira e aore a te pae rahi o ratou i tupu.

Mahana Maha (Maha)

Mahana raveraa ohipa na te mau tuahine.

HAAPIIRAA SABATI

No te Ava'e SETEPA

PUPU PARAIMERE

Irava tamau aau: *Ioba 42:1-2*

Ua parau atura Ioba ia Iehova, na ô atura, Ua ite au e, e puaihope to oe, e e ore ta oe i opua e tia ia faaore,

Setepa 3. Te mea i haapiihia e te taata paari no ô mai i te asini ra. Numera pene 22 e tae noa'tu i te hopea o te pene 25; 31:1-9.

Setepa 10. Te huru o to Mose hi'oraa'tu i nia i te fenua i parauhia. Numera 26:1-4, 63-65; Deuteronomi pene 31 e tae noa'tu i te hopea o te pene 34.

Setepa 17. Te aamu no Ioba. Ioba 1; 2; 42:1-17.

Setepa 24. Hi'opoaraa.

PUPU PITI

Irava tamau aau: *Alama 36:5*.

E inaha, te parau atu nei au ia oe na e, ahiri aita vau i fanau i te Atua ra aita ia vau i teie mau mea nei; na te Atua ra na roto i te vaha o te hoê melahi na'na ra i faaite mai i teie nei mau mea ia'u nei, e aita no roto i te tahi maitai na'u iho nei.

Setepa 3. Te tatarahaparaa o Alama e to'na itoitioraa. Alama pene 36.

Setepa 10. Te faaiteraahia i te ati Nephi no to ratou haapauraahia. Alama pene 45.

Setepa 17. Te taata ino ra o Amalikia. Alama pene 47.

Setepa 24. Hi'opoaraa.

PUPU TORU e te MAHA

Irava tamau aau: *III Nephi 12:38*.

Te parau atu nei râ vau ia outou, eiaha e patoi atu i te taata hamani ino: o te moto mai i to paparia atau na, e fariu atoa'tu i te tahi.

Setepa 3. Ta te Mesia mau haapiiraa i te ati Nephi. III Nephi pene 12.

Setepa 10. Te mau faaueraa i te tino hoê ahuru ma piti. III Nephi pene 13.

Setepa 17. Ua a'ohia te mau taata e Iesu. III Nephi p. 14.

Setepa 24. Hi'opoaraa.

Te faar
mai o na
fenua (i
nei. E e
ra huru p

Iser
(Genese
to'na h
Na ô at
rave ra
nau. (G

Te H
te mau
ela, e
na atī I
ela i pa
mosa 7

Te H
Bibilia
atī Iser
faahou
11:11,

Faaroo
fenua ro
ia'na, e
mia 31:7

E me
Iserael
ite atoa
na'na e
ratou e
maha r
(Mataia

Te M
i'oa Iser
4. Ua ab
6. Eaha
huru o te

TE FEIA API

NO TE AVA'E SETEPA

Irava tamau aau: *Hiroa Faaroo N° 10.*

Te faaroo nei matou i te haaputuputu-hua-raa o Iseraela e i te faaho'iraa mai o na opu tino ahuru i mo'e ra. E e faatiahia o Ziona i nia i teie nei fenua (i Amerika). E e parahi tino mai te Mesia ei arii i nia iho i te fenua nei. E e faaapihia hoi te fenua nei, e e faaho'ihia mai te hanahana o to'na ra huru paradaiso ra.

E Haapiiraa No Nia I Te

HAAPUTUPUTU-HUA-RAA O ISERAELE

Iseraela: Ua topahia te i'oa o Iseraela i nia ia Iakoba, (Genese 32:27, 28) e mai te reira mahana mai â ua parauhia to'na huaai o *Iseraela*, e a ore râ, *te mau tamarîi a Iseraela*. Na ô atura te Atua ia'na, *A tupu e ia rahi. E nunaa atoa, e rave rahi noa'tu te nunaa e tupu ia oe, e e hui arii atoa ta oe e fanau.* (Genese 35:11) O te reira ia ta Iseraela haamaitairaa.

Te Haapurara raa: Na roto râ i to ratou haapao-ore-raa i te mau faanuraa a te Atua, ua haavîhia te *Utuafare o Iseraela*, e ua haapurarahia ratou na roto i te afai-titî-raa-hia o na atî Iseraela e hoê ahuru ra. O teie hoi ia te tufaa o Iseraela i parauhia i *na ati i moe ra.* (Te Mau Arii I, 14:15; Amosa 7:11, 17; 9:9; Hosea 7:8.)

Te Haaputuputuraa: E mea rahi te mau tohuraa i roto i te Bibilia o te faaite mai e, e haaputuputu faahou te Atua i na atî Iseraela i moe ra. Teie te hoê, *Ei reira Iehova e faatoro faahou ai i ta'na rima, e faaora i te toea o to'na taata.* (Isaia 11:11, 12; Deuteronomi 30:2-5; Nehemia 1:9.)

Faaroo mai i te parau a Iehova, e te mau fenua e, e faaite outou i te mau fenua roa ra, a na ô atu ai, O tei haapurara ia Iseraela, na'na ia e haaputu ia'na, e na'na oia e tia, mai te tia mamoe ra e tia i ta'na ra nânâ. (Ieremia 31:7,8, 10-12.) A tai'o atoa i te Ezekielia 37:21. 22.

E mea rahi atu â te mau parau no te haaputuputuraa o Iseraela i faaitahia mai e te mau peropheta tahito. Ua faaite atoa mai o Iesu e haaputuputuhia ratou i te parau e, *E na'na e tono i ta'na ra mau melahi ma te pu oto-rahi ra, e na ratou e haaputu i to'na feia i maitihia ra no na apoo mata'i e maha ra, ma te tahi pae ra'i e tae noa'tu i te tahi pae ra'i.* (Mataio 24:31.)

Te Mau Uiraa: 1. O vai o Iakoba? 2. No te aha te Atua i topa'i te i'oa Iseraela i nia ia'na? 3. Eaha ta te Atua parau ia'na i te reira taime? 4. Ua ahahia te utuafare o Iseraela? 5. No te aha ratou i haapurarahia'i? 6. Eaha te parau ta Isaia i papai mai no te haaputuputuraa? 7. Eaha te huru o ta Iesu parau no nia i te haaputuputuraa?

Haapiiraa No Nia Ia ZIONA

Na Vahi Haaputuputuraa e Piti: I roto i te mau irava no te haaputuputuraa tei papaihia e te mau peropheta tahito, ua papaihia te parau no Ierusalemā, o te faatia-faahou-hia, e te parau hoi no Ziona o te faatihia. Ua papu te faaiteraa o teie na vahi e piti i roto i te tohuraa o tei faaite mai e, *Na Ziona'tu hoi te ture i te revaraa'tu, e te parau a Iehova, i na Ierusalemā'tu ia.* (Mika 4:2.) O teie ia te tohuraa a Ioela: *E uā mai hoi Iehova i Ziona, e haapuroro mai oia i ta'na reo i Ierusalemā.* (Ioela 3:16.)

Te faaite mai nei hoi Isaia i te hanahana o te Basileia o te Mesia i te mau mahana hopea, e te faaite mai nei hoi oia i te hoē parau no Ziona e te tahi parau no Ierusalemā, i te parau e, *E riro hoi tei toe i Ziona ra, e tei parahi i Ierusalemā ra, i te parauhia e, e taata mo'a.* (Isaia 4:3) *A paiuma i nia i te mou'a teitei, e tei hopoi mai i te parau maitai i Ziona nei; a faateitei na i to reo ma te u'ana, o tei hopoi mai i te parau maitai i Ierusalemā nei.* (Isaia 40:9)

Hoē ā aurāa to te parau Ziona e to te parau *Te Ierusalemā Apī*, mai te au i tei faaitehia mai. O teie hoi te tahi aurāa no te reira parau, oia hoi, tei mā te aau, mai te au i tei faaitehia mai ia Iosepha Semita i teie tau. (Buka Fafau)

E ia hoi mai Iesu i te ao nei e faatia i to'na basileia, e tupu i reira na oire rahi e piti, oia hoi o Ziona i parauhia e, te Ierusalemā Apī, e te tahi, te Ierusalemā tahito ihoa.

E riro ia tae i te mau mahana hopea ra, e faatihia'i te mou'a ra te fare o Iehova i nia i te tupuai mou'a, e faateitehia ia i nia i te mau aivi. (Mika 4:1, 2; Isaia 33:13-15)

Te Buka a Moromona: E inaha, e haamau vau i teie nei feia i nia i teie nei fenua, i Amerika, ia faatihia te faufaa ta'u i fafau i to outou metua ia Iakoba: e e riro ia ei Ierusalemā Apī. Ei reira e vai noa'i te mana o te ra'i i roto i teie nei feia: ei roto vau iho hoi ia outou. (III Nephi 20:22; 21:22-24)

Te Mau Uiraa: 1. Eaha na oire mo'a e piti i parauhia e te mau peropheta tahito? 2. Ia tae i te mau mahana hopea, na teihea oire te parau a Iehova e reva'tu ai? 3. Na teihea oire te ture i te revaraa'tu? 4. O vai te riro ei taata mo'a? 5. Eaha te hoē aurāa o te parau Ziona? 6. Eaha te tahi aurāa? 7. Eaha ta Mika tohuraa no te fare o Iehova? 8. I hea Ziona e faatihia'i?

Ua fa
matamu
rahi i r
roa i te
no'na r
piti-raa
no te re

O teie
ea rii o
hou ma
pi ia'na
raa o ta
pea o te
maira c
e ati no
ihora ia
Mareko

E te
tonu mā
nei i ni
outou i
1:11) U
ma to'r
faaara
te maha
taio 25

Ia ho
oti te re
arii no
noa'tu.
lamo 10
to'na h
i te vai

Te M
2. Ua tol
ha ta Ies
hea mai
tatau?
maoro o

Haapiiraa No Nia I

TE TAE-PITI-RAA MAI O TE MESIA

Ua farii-noa-hia te parau no Iesu Mesia i to'na faaeearaa matamua i nia i te ao nei ei parau mau e te mau taata e rave rahi i roto i teie nei ao. Ua fanauhia oia ei taata, e na mua roa i te reira ua tohu mai te mau peropheta i te parau faaite no'na ra. Ua tohu-atoa-hia mai te parau faaite no to'na tae-piti-raa mai, e ua faaite mai hoi Iesu iho i te parau faaite no te reira.

O teie ia te huru parau ta Iesu i faaite mai, oia hoi, e faa-ea rii oia i nia i te ao nei i te reira taime, tera râ, e ho'i faa-hou mai oia i te ao nei. *Ua haere omoe maira ta'na mau pipi ia'na, ua na ô maira, E faaite mai oe ia matou i te tupu-raa o taua mau mea nei? e te tapao o to oe taeraa mai e te hopea o teie nei ao?* Faaite maira Iesu i te mau tapao e ua na ô maira oia e, *E e parau-haere-hia te evanelia o te basileia nei e ati noa'e teie nei ao, ia ite te mau fenua atoa; o te hopea ihora ia i reira.* (Mataio 24:3-31; Luka 17:26-20; 21:7-28; Mareko 13:14-26)

E te mau taata o Galilea nei, eaha outou i tia noa'i e i tia-tonu mârô ai i nia i te ra'i ra? O Iesu nei â tei ravehia a'e-nei i nia i te ra'i, e ho'i mai ia mai te reira atoa ra, mai ta outou i ite atu ia'na i te revaraa'tu i nia i te ra'i ra. (Ohipa 1:11) Ua rave oia i to'na tino hanahana, e ho'i mai hoi oia ma to'na tino hanahana ra. Ua tuu mai râ Iesu i teie parau faaara ia tatou nei e, *E teie nei, e ara, aore hoi outou i ite i te mahana e te hora e tae mai ai te Tamaiti a te taata.* (Mataio 25:13)

Ia ho'i mai oia ra, e haava ia oia i te mau taata atoa e ia oti te reira, e faaea oia i pihaiho i te feia haapao maitai ei arii no ratou e a muri noa'tu. *Ei ia Iehova te hau e a muri noa'tu.* (Exodo 15:19) *O Iehova te arii e a mvri noa'tu.* (Salamo 10:16) *Haamaitai atura vau i Tei Teitei ra * o te vai â to'na hau e te mana e a muri noa'tu, e to'na basileia e tia ia i te vairaa i tera ui, i tera ui.* (Daniela 4:34)

Te Mau Uiraa: 1. O vai te farii i te parau faaite no Iesu Mesia ? 2. Ua tohuhia mai anei te parau faaite no to Iesutae-piti-raa mai? 3. Eaha ta Iesu parau no te reira ? 4. Afea Iesu e tae faahou mai ai ? 5. Nahea mai te reo i te mau taata o Galilea ? 6. Eaha ta Iesu parau faaara ia tatou ? 7. Eaha ta Iesu ohipa i te piti o to'na taeraa mai ? 8. Eaha te maoro o to'na basileia i te vairaa ?

Haapiiraa No Nia I

TE FAAAPÎRAAHIA O TE AO NEI

I roto i te pene hoê ahuru ma pae o te Episetole Matamua a te Aposetolo ra o Paulo i to Korinetia ra, ua faaite mai oia ia ratou i te huru o te poheraa, te tia-faahou-raa e te huru a muri atu. Ua papai maira oia e, *E anaana ê to te mahana, e anaana ê to te marama, e anaana ê to te mau fetia: e huru ê hoi to te tahi fetia i to te tahi i te anaana. Oia atoa te tia-faahou-raa o tei pohe ra, i ueuehia ei mea tahuti noa, i faatia-hia ei mea tahuti ore.* (I Korinetia 15:41, 42)

E mai te reira atoa te parau ta te Atua i faaite mai ia Iosepha Semita i teie tau hopea nei i te na ôraa mai e, *Te hanahana o te Tiretiera o te hoê ia, mai te hanahana o te mahana ra. E te hanahana o te Teretetiera, o te hoê ia, mai te hanahana o te marama ra. E te hanahana o te Tiretia ra, o te hoê ia, mai te hanahana o te mau fetia ra.* (Buka Fafau 76:96-98) Ia tae te tau no te haavaraa rahi, e faautuahia'i te mau taata atoa no ta ratou iho mau hara e no ta ratou iho ohipa. E e farii hoi tatou i to tatou huru hanahana i tera ao a muri atu mai te au i te ohipa ta tatou i rave a faaea'i tatou i teie ao. (Apokalupo 20:12; Mataio 16:27; Roma 2:13)

U papai mai Isaia e, E parau atu outou i te aau taiâ, Ia itoitou outou; eiaha e mâtâ'u; inaha hoi to outou Atua. E faaitehia mai â te riri: te tahoo a te Atua ra: oia iho te haere hua mai e faaora ia outou. (Isaia 35:4) Ua parauhia te reira taime, te hopea, O te hopea ia i reira ra. (Mataio 24:14) Ia tae i taua taime ra e faahapahia'i te ao nei mai te au i tei tohuhia mai. Ei ia Iehova te hau e a mûri noa'tu. (Exodo 15:18)

Ei reira e tae mai ai te faautuaraa o Tei Mo'a i nia ia raton, e e tae atoa mai ai i te tau e riro ai te taata viivii ra i te vaiihohia ia vai viivii noa ra; e te feia parau-tia ra i te vaiihohia ia vai parau-tia noa ra; e te feia oaoa i te vaiihohia ia oaoa noa ra; e te feia taiâ i te vaiihohia ia taiâ noa ra. (Moromona 9:14)

Te Mau Uiraa: 1. Eaha ta Paulo i parau no nia i te huru o te tia-faahou-raa o te pohe ra? 2. Eaha te parau faaite ta Iosepha Semita i farii mai no te reira? 3. Ahea te mau taata atoa e faautuahia'i? 4. E faautuahia ratou mai te au i ta ratou aha? 5. Eaha ta Isaia i parau no ta te Atua ohipa ia tae mai oia ra? 6. Eaha te buru o te faautuaraa o Tei Mo'a i nia i te taata nei?

E au m
ro; ei aro

I mur
phiti ua
Sinai, e
Fatu i t
te mea
pao rato
i nia a'e
tou e, e
roto i te
hoi rato
i To'na
mau taa
tehia m
Atua. U
e to rat
e faatia
ratou i
reo o te

I te t
raro i t
na-raa
ite ihor
ra'i ma
taua ata
Oia ia
Mose, i
tu ra. I
hana i
na pãpã
hoê ahu
ture ra,
mau ta
nuia.

HAAPIIRAA PARAIMERE

No te Ava'e SETEPA

Irava tamau aau: *I Ioane 3:18.*

E au mau tamarii ra, eiaha to tatou te aroha vaha ana'e e te aroha are-ro; ei aroha rave râ, ei mea mau.

MAHANA MAHA MATAMUA

Te Mau Ture a te Atua

I muri a'e i to te mau tamarii o Iseraela faarueraa i Aiphiti ua tae atu ratou i te hoê vahi tei parauhia te Mou'a Sinai, e i to ratou haaputuputuraa i reira ra, parau ihora te Fatu i to ratou aratai, oia hoi ia Mose ra, na ô atura, mai te mea e tavini mai te mau tamarii a Iseraela Ia'na e ia haapao ratou i Ta'na mau faaueraa, e haamaitai ia oia ia ratou i nia a'e i te mau nunaa atoa. Ua parau atoa mai Oia ia ratou e, e haere mai Oia, i te hoê mahana, i nia i te mou'a i roto i te ata no te paraparau mai i te mau taata, e e faaroo hoi ratou i To'na reo, area o Mose ana'e te faatiahia ia hi'o i To'na mata e ia paraparau Ia'na. Te tumu aita i tia i te mau taata ia ite i te Fatu, no to ratou parau-tia ore. Ua faaitiehia mai i roto i te parau mo'a e, o tei mâ te aau te ite i te Atua. Ua faauehia ihora te mau taata ia tamâ ia ratou iho e to ratou atoa mau ahu, e inaha, ia tae i taua mahana ra, e faatiahia ia ia haaputuputu i raro i taua mou'a ra, ia hi'o ratou i taua mau mea maere i tohuhia ra e ia faaroo hoi i te reo o te Atua.

I te taeraa mai o taua mahana ra, ua haaputuputu ratou i raro i taua mou'a ra, aueue ihora te fenua i te haruru-u'ana-raa o te patiri, anapa ihora te uira, e i to ratou hi'oraa i nia ite ihora ratou i te hoê ata meumeu i te toparaa mai, mai te ra'i mai, e i te tapoiraa i taua mou'a ra. Tei roto te Fatu i taua ata ra, aita râ ratou i faatiahia ia ite ia'na. Pii maira Oia ia Mose e ua faaroo te taata i to'na reo, e haere ihora Mose, raua o to'na tuaana o Aarona i nia i te mou'a o te Fatu ra. I to raua pouraa mai no nia mai i te mou'a, i na mahana i muri iho, te tapea ra o Mose, i roto i to'na nau rima, na pãpã ofai e piti, e i nia i te reira ua papaihia na ture e hoê ahuru ra, e i te mau tau ua haapao te taata i taua mau ture ra, ua haamaitai-rahi-roa-hia ratou e te Fatu, area, i te mau tau aita ratou i haapao i te reira, aita roa ratou i manuia.

MAHANA MAHA PITI

Te Paura Rahi

I muri i te poheraa o te Arii ra o Solomona, amaha ihora te basileia e tupu atura na arii e piti ra. Moe ihora te F'atu i taua na arii e piti; rave ihora taua na arii ra, e to raua mau taata, i te ino. Ua aroha noa ra to tatou Metua i te ao ra ia ratou, noa'tu i ta ratou mau hara, e ua tonono mai i To'na Peropheta no te faaara ia ratou i te mau ati o te tae mai i nia ia ratou ia ore ratou ia tatarahapa. Noa'tu i taua faaararaa ra, ua rave noa taua na arii ra, e te mau taata, i ta ratou mau ohipa ino, e i te hopea oô roa a'era te F'atu ia ratou.

No ô mai i te Atua mau ra te mau haamaitairaa e rave rahi ta ratou i farii. Ua haamaitai oia ia ratou na roto i te oraraa maitai, te itoito, te maa, te ahu e te tahi atu â mau mea e rave rahi. Inaha, i teie nei, ua fariu ê atu ratou Ia'na e ua haamori i te Atua haavare.

E nafea hoi Oia ia faaho'i mai ia ratou i te faaroo mau? Ua opua Oia i te faatupu i te hoê o'e i nia i te fenua no te faahaehaaraa ia ratou. Ua faaue atura oia i te Peropheta ra o Eliaha ia haere e farerei i te arii ma te parau atu e, eita roa te ua e mairi i nia i te fenua i roto i na matahiti e toru. Ia ore ana'e te ua, eita roa ia te mau faaapu e tupu e e ati te mau taata i te poia. I reira paha ratou e tatarahapa'i e e fariu mai ai i te Atua mau tei hamani i te ra'i, te fenua nei e te mau mea atoa i roto ra.

Rave atura o Eliaha i ta te F'atu i faaue ia'na. Parau atura oia i te arii no te o'e te tae mai, aita râ te arii i tiaturi i ta'na parau. Inaha, tupu atura te o'e mai ta Eliaha i parau mai. Aita'tura te mau faaapu i tupu e i te hopea o taua na matahiti e toru ra ua haehaa roa te mau taata, e no reira ua tonono faahou maira te F'atu ia Eliaha ia ratou ra e ua manuia ihora oia i te faa-fariu-raa mai ia ratou i to ratou haerea ino ra. Haamaitai maira te F'atu ia ratou i te mau haamaitairaa tei ore i hōroahia na ratou i mutaa ihora, haamori atura ratou Ia'na, e haamaitaiatura Ia'na no ta'na mau haamaitairaa ia ratou.

I te
Iakob:
hoê ra
naaro
naaro
vahine
E ua

Par
mau n
rau ra
hinaa
oe me
e te fa

I na
te far
te ate

Hae
tei te
oia i
na ma
i to'n
raa, i
oia i
neher
te ha
inaha
maira
ra, it
na ô
rahar
e hor
maita
te râ,
atoa
tainte

I te
ta no
haam
mau

MAHANA MAHA TORU

Te Fafauraa Mo'a

I te hoê mahana, haere atura Isaaka e ta'na tamaiti ra o Iakoba i tē ori haere, e a parahi ai raua i raro i te mārū o te hoê raau, parau atura te metua tane, "E tau tamaiti e, te hinaaro nei au ia paraparau ia oe no te hoê ohipa rahi. Te hinaaro nei au ia imi oe i te hoê vahine maitai na oe, te hoê vahine te faaroo i te Atua e te haapao i Ta'na mau faaueraa. E ua ite au te vahi e noaa'i te reira huru vahine ia oe.

Parau atura Iakoba i to'na metua tane e, e rave oia i te mau mea atoa ta'na e hinaaro; faatupu atura taua mau parau ra i to Isaaka oaoa. Parau atura oia i ta'na tamaiti, te hinaaro nei au ia haere oe i te vahi i nohohia e te taeae o to oe metua vahine, e i reira oe e ite ai i te hoê vahine maitai e te faaroo hoi.

I na mahana rii i muri iho haere atura taua taata apî ra i te fare o te taeae o to'na metua vahine. Aita matou i ite i te atearaa mau o taua vahi ra, e mea atea râ.

Haere noa'tura o Iakoba i taua mahana ra e i te ahiahiraa tei te medebara noa â oia. No to'na rohirohi, puhapa a'era oia i reira no te reira po. Horoi ihora oia i te repo i nia i to'na mata e to'na nau rima, tuturi ihora oia i raro, pure atura i to'na pureraa ahiahi i te Atua. E i muri a'e i to'na paia-raa, imi ihora oia i te hoê vahi taotoraa no'na e varea ihora oia i te taoto; e a taoto ai oia, noaa ihora ia'na te hoê taoto nehenehe roa. Ite atura oia, i roto i to'na taoto, te hoê e'a te haere atu, mai raro i te fenua nei, i nia roa i te ra'i ra, e inaha, te paiuma ra te mau melahi a te Atua i nia, e te pou mairā i taua e'a ra. I to Iakoba hi'oraa i nia roa i taua e'a ra, ite atura oia i te Atua ma te oaoa. Parau maira te Atua, na ô maira, O vau te Atua, o te Atua no to metua ra no Abrahama, e te Atua o Isaaka, e teie nei fenua ta oe e taoto na, e horoahia ia e au na oe. Parau atura Oia ia Iakoba e haamaitaihia oia na roto i te huaai rahi o te parare na te hitia o te râ, te tooa o te râ, te apatoerau e te apatoa. Ua parau atoa te Atua ia Iakoba e, ei pihai-atoa-iho oia ia'na i te mau taima atoa e Na'na e faaho'i mai ia'na i taua fenua ra.

I to Iakoba araraa, ua oaoa roa oia e ua tahe to'na roimata no te reira, tuu ihora to'na turi i raro, i te medebara, e haamaitai atura i to'na Metua i te ao ra no ta'na taoto e te mau fafau tei horoahia mai na'na.

Rave a'era Iakoba i te ofai ta'na i rave ei turua, faariro i-hora ei fata, manii atura i te hinu i nia iho e euhe ihora i te Atua, na ô atura, *E te ahuru o te mau mea atoa ta oe e ho mai na'u nei, e hopoihia ia e au na oe.* O te ture ia no te tu-faa ahuru ta te Feia Mo'a o te Mau Mahana Hopea Nei e haapao nei.

MAHANA MAHA HOPEA

Himeneraa No te Ora

I te hoê mahana no te tau mahanahana, te maha no Tiu-rai, ua fatata matou i te tae i pihai iho i te hoê roto pape i parauhia te Roto Daba. I to matou iteraa i te reira, ua hau ia i te nehenehe. Ua ahiahi roa i to matou taeraa i te vahi puhaparaa e ite atura matou e, ua riro te mau fare atoa e ua parahi noa te taata i roto i te fare ie.

Parau maira to'u papa e mea maitai paha ia haere oioi tatou no te imi i te hoê vahi maitai no te taоторaa na mua a'e i te po. Area ra te tutonu noa ra to'u tuane e to'u na teina rii i te pape ma te hinaaro ia hopu, i reira fariu atura to'u mama e parau atura i to'u papa, Te maere nei au mai te mea aita e tia ia hopuhopu rii e ia tamaa atoa i ô nei, inaha, tei ia tatou nei te mau mea atoa no te puhaparaa.

Pahono maira to'u papa, aita vau e tapitapi nei i te reira no te mea te hinaaro atoa ra oia ia oaoa te taatoraa. Aita i maoro i muri iho tei roto matou atoa i te pape.

Na mua to'u papa e to'u mama i faaea'i e i te taime i faaea'i matou ua ineine te maa i nia i te hoê tivau i nia i te matie. Aita i maoro i muri iho ua reva matou no te imiraa i te hoê vahi taоторaa, area te pae rahi o te taata te haere ra ia i te oriraa. I te atea i taua vahi ua ore roa te maniania e i to matou iteraa i te hoê e'a tei haere i roto i te hoê faa, parau atura matou atoa, mai haere tatou na nia i tera e'a, e ua na reira iho â matou.

Ua meumeu te repo puehu i nia i te purumu ta matou i haere e i to matou pae aui te tahe noa ra te hoê pape iti tei tamaruhia e te tahi mau raau rii, e i to matou pae atau te vai ra te aihere e tae noa'tu i te aivi. E ere taua purumu i te purumu roa, no te mea ua ore te reira i te pae aivi, e i ropu i te aihere te vai ra te hoê vahi ateatea maitai tei tamaruhia e te hoê raau rahi. Parau atura to'u teina ma te oaoa, ua puhapahia teie vahi e te taata, no te aha eiaha tatou? A hi'o na i te vahi tauraa auahi.

Na ô
ra i te
toro. A
hauman
hou te
Paho
te mea

TE U

U
tou nei
10:35:
tura to
nei ao.
ra noa'
mâ te t
rea râ,
hia'i i t
tu i te

Ua h
ere i te
e rave i
ia i te c
roo ra e
faaroo c
mi papi
te faau
ora tah
o te han

Amer
ia'u ra
rahi atu
Metua

Na ô maira to'u tuane, o te tapao noa iho te reira no te ora i teie nei vahi maori râ te tapao tahito no te avae puatoro. Ani maira to'u mama, eaha, e haere â tatou? E vahi haumaru teie, e e faarue hoi tatou i teie vahi i te poipoi roa hou te veavea o te mahana, e e vahi mâ hoi teie.

Pahono maira to'u papa, e mea fatata te pape i ô nei, mai te mea ua hinaaro outou, e parahi tatou i ô nei.

(E tuatihia teie parau.)

TE UTU'A NATURA NO TE MAITAI E TE INO

Ua faatiahia a'enei te mau parau e, (mai te mea e, e farii tatou i te mau irava parau ei aratairaa no tatou nei. Ua na ô mai te Mesia mai tei papaihia i te Ioane 10:35: *E aore hoi i hapa te parau i papaihia ra.*) e mea natura to tatou huru i te ao ra, na mua i ta tatou oraraa i teie nei ao. Na vai e haafeaa i te tiaraa o te reira; no reira, atira noa'tu i te faaûraa te tahi i te tahi, no te mea e, e mea tiamâ te taata nei ia maiti oia i te maitai, e a ore râ i te ino. A-reâ, teie tao'a o te maitiraa, oia hoi, te tiamâraa i faatia-hia'i i te aitarahuraa ia farii i te utu'a no te maitiraa, noa'tu i te huru.

Ua haapihia te huru o te haavaraa e Iesu, e aore te hoê ere i te haavaraa. A tai'o i te Mataio 25:46. *O te haere ê ia e rave i te pohe mure ore, area te feia parau-tia ra, o te rave ia i te ora mure ore.* E i roto i te Hebera 11:6, *Aore e faaroo ra e ore roa oia e mauruuru: o te haamori i te Atua ra, e faaroo oia e, e Atua, e tia'i, e o oia te faautua i te feia i i-mi papu ia'na ra.* No reira, ua haapapuhia ia ia tatou e, o te faautuaraa i te ora tahuti ore o te tumu natura ia o teie ora tahuti. O te rave maitai atu, e utua maitai ia te fariihia; o te hara râ o te utua mauini ia.

Papaiha e Anaderea A. N. Machen

Amene, amene, e parau atu vau ia outou, O te faaroo mai ia'u ra e rave atoa oia i teie nei mau ohipa ta'u e rave nei, e e rahi atu â ta'na e rave i teie, no te mea te haere nei au i tau Metua ra. *Ioane 14:12.*

PARAU FAAITE I TE MAU PERESIDENI AMAA

Mai teie atu nei taime e vai te vahi no te neneiraa i te mau Parau Api no te MISIONI, e te mau Parau Api Oro'a i roto i te Heheuraa Apî nei. No reira, tei ia outou, te mau peresideni Amaa te ohipa toe! A haapapu i te ha-ponoraa mai i te mau parau oro'a e te mau parau api no to outou mau amaa. Eiaha roa outou ia taupupu! A faariro i to outou iho amaa ei mea maitai a'e i roto i teie nei pororaa.

PARAU API NO TE MISIONI

I te 13 no Febuare i mairi a'enei ua faaapibia te Amaa i Marokau, e ua faataahia o Matavai â Pahoa ei peresideni, Tamatoa â Tanetetoka raua o Kuranui â Fakapeka ei na tauturu, e o Teariki â Gariki ei papai parau.

I te 10 no Mati i mairi a'enei ua faatiahia te Paraimere o te Amaa i Papeete, e ua maitihia o Simone Bonnet ei peresideni, Fifi â Huri raua o A-roarii â Tahauri ei na tauturu e o Temarama â Tinomano ei papai parau.

I te 28 no Me i mairi a'enei ua maitihia te peresideniraa no te Mataeinaa, Katiu - Makemo - Taega - Nihiru - Raroia - Takume, e ua faataahia o Huri â Huri ei peresideni, Kirianu â Mariteragi raua o Teura â Ioane ei na tauturu. E rave atoa o Teura â Ioane i te ohipa papai parau.

I te 11 no Tiunu i mairi a'enei ua faataahia o Puni â Tara ei tauturu piti no te Pûpû Tuahine Api no te Amaa i Papeete; e i te 9 no Tiurai i mairi a'enei ua faataahia o Tauapiti â Toriki ei tauturu hoê no te Haapiiraa Sabati i Papeete no te monoraa ia Iosepha Beneteau.

Te Peresideni api no te Amaa i Taega, o Teahu â Toriki â Mariteragi ia, e ua maiti oia ia Huri â Huri raua o Tehina â Taruia ei na tauturu no'na ra, e ua faataa-atoa-hia o Tehina â Taruia ei papai parau.

PARAU API ORO'A

BAPETIZORAA

I'OA	MAT.	MAH. BAP.	FENUA	NA VAI I BAPET.
Emile Hoffman	12	8-1-39	Tubuiai	Teao â Nauta
Puahioro Ariki â Matavai	8	22-1-39	Marokau	Nile R. Chugg
Tauhara â Teuaura	8	22-1-39	Marokau	Nile R. Chugg
Temarama Teua â Maro	9	22-1-39	Marokau	Nile R. Chugg
Leonard Marcel Bonnet	8	5-2-39	Papeete	Marcel Bonnet
Vairoaroa â Temahuta	?	5-2-39	Takaroa	Re McEntire
Bob Materoa â Tuiva	8	5-2-39	Takaroa	Re McEntire
Ema â Alvarez	8	5-2-39	Takaroa	Re McEntire
Teahi â Temanu	14	5-2-39	Marokau	Nile R. Chugg
Catherine Perry	8	5-3-39	Papeete	Huri â Huri
Hiriata â Huri	8	5-3-39	Papeete	Huri â Huri
Araiaoromopeitau â Tahuhu-atama	8	5-3-29	Papeete	Huri â Huri
Hiriata Teviri â Teupoko-vahitu	8	6-4-39	Takaroa	Iosepha Stevens
Remo â Upuai	8	14-5-39	Takaroa	Iosepha Stevens

I te fe
i nia i te
te paari e
ta ratou r
piiraa te

No te
ha e haap
a te hoê t
ti i te ava
to te mau
rouru tar
roa, mai

E rav
na no te
haere ma
parau, a

Ua it
tutae au
mama e
reoo aua

Ua it
tei tae i
ite ore ea
rau, tei c
ore i ite
i faaroo
Memphis

Te fa
tahiti 19
raa i te r
ra e 275

E hi'
oti te ha
rari, noa
taua hi'

I te t
ratou i t
moni ra

TE MAU PARAU API

I te fenua Tinito te haamata nei te Hau i tefaatupui te fare haapiiraa i nia i te pahi, no te mea e rave rahi te milioni o te mau Tinito te fanauhia, te paari e te pohe i nia i to ratou mau pahi i nia i te mau anavai. No te ore ta ratou ravea ia haere i te haapiiraa ua hamani te Hau i te mau fare haapiiraa te haere e farerei ia ratou.

No te rouru. Ia hinaaro outou ia tupu maitai to outou mau rouru, eiaha e haapeapea i to outou mau upoo, e a amu maitai i te maa, o te parau ia a te hoê taote. Teie te huru o te tupuraa o te rouru, e tupu te reira hoê initii i te ava'e hoê e tae noa'tu i te faito ra e ono avae. Noa'tu e hi'oraa faito to te mau rouru atoa, e mea ê te tahi i te tahi, oia hoi, e mea menemene te rouru tara, e mea huru parahurahu te rouru tomiimii e e mea parahuarahu roa, mai te ripine, te rouru ofirifiri roa.

E ravea api. Te faaite nei te hoê taata no Australia e, e ravea api ta'na no te ravaai i te i'a, oia hoi, e faatai oia i ta'na vivo e na te reira e faahaere mai te mau i'a i nia ia ohie ia haruhia. Penei a'e e haavare teie nei parau, aita ra hoi tatou i ite.

Ua itehia e te mau taata paari te hoê huru metalo api te ore roa e tutae auri e tei hau atu i te paari e te mama i te faira maitai roa. No to'na mama e ravehia taua metalo ra no te hamaniraa i te pahi reva e te mau pereoo auahi.

Ua itehia a'enei, i te tufaa fenua Misisipi, Amerika, te hoê tamahine tei tae i te ahuru ma ono o to'na matahiti, o Alma Mardes to'na i'oa, ma te ite ore eaha tera mea e mori uira, tei ore i parau i roto i te niuniu paraparau, tei ore i faaroo i te ta'io te hoê radio, tei ore i amu i te ice cream, tei ore i ite i te hoê hoho'a cinema, tei ore i ahu i te hoê âhu tiriti e tei ore roa i faaroo i te parau no Hitler e no Mussolini. Aua oia i haere i te oire ra o Memphis i ite ai oia i te reira mau mea atoa ra.

Te faaitehia nei e, ua haamau'ahia i te fenua Baretane, i roto i te matahiti 1938, te moni rahi roa ra e 45 bilioni e e 240 milioni farane no te hoo'raa i te mau ava taero, e ia tai'ohia na nia i te taata hoê ra, ua pau te moni ra e 275 farane.

E hi'o haamaramarama api. Te faaite nei te Franklin Institute ua oti te hamanihia te hoê hi'o haamaramarama api te ore roa e puehu ia parari, noa'tu te puai o te ofai e taorahia i nia iho; e te vahi maere, ia parari taua hi'o e tia noa ia tufetu ia'na mai te hoê peue.

I te tufaa fenua Chansi, Tinito, tei haruhia e te Japone, ua faautua ratou i te mau vahine Sinito, tei tapu i to ratou rouru, ia aufau ratou i te moni ra e 2 schillings, oia hoi, 17 farane, i te mau ava'e atoa.

BAPET.

Nauta
Chugg
Chugg
Chugg
Bonnet
Entire
Entire
Entire
Chugg
Huri
Huri
Huri

Stevens
Stevens

Te faaite mai nei te taata ra o Norwell, no Hollywood, California, i to'na hi'oraa i roto i ta'na mau hoho'a vairaa fetia ra, ua ite oia e, ua aifaito to ratou vairaa, i teie nei, i to te matahiti 1914 i te haamataraa o te tama'i rahi i oti a'enei. Te parau nei oia e, mai te au i te reira e tupu ihoa te tama'i i Europa hou te tau mahanahana no te matahiti 1940. Te faaite atoa nei oia e, e tomo atoa o Amerika na roto i to'na tautururaa i te mau Hau Repupirita. No Hitler e no Mussolini, te na ô maira oia e, te faaite nei te mau fetia e, e farerei o Hitler i te hoê pohe taue e te ri'ari'a hoi i roto i na matahiti e piti e haere mai nei; o Mussolini ra, e ore roa to'na mana i roto i na matahiti e piti.

I te 26 no Tiurai i mairi a'enei ua faatae atu te Hau Marite i te Hau Tapone i te hoê parau no te faaiteraa'tu e, te hinaaro nei oia i te faaore i te parau faaau te vai i rotopu ia raua, i roto i na ava'e e ono. Te tumu i na reira'i te Hau Marite, no to te Tapone rave inôraa i te mau faufaa a te mau taata Marite i te fenua Tinito e to ratou haapao ore raa i te mau parau faaau i rotopu i te mau Hau.

I Europa, te faaineine noa nei te mau Hau rarahi no te tama'i; ua faaite papu roa te Hau Polane e, e tama'i ratou no te oire ra o Dantzig, e ua faaite atoa te Hau Farani e te Hau Baretane e tauturu ratou i te Polane. — I roto i te mau parau api hopea te faaitehia ra e, te afaro nei te tahoêraa o Farani, Baretane e o Rutia no te parururaa ia ratou ia tama'i noa'tu ratou.

I te fenua Tinito, te haere noa nei te tama'i ma te tuutuu ore. Noa'tu e te haere noa nei te Tapone i mua, te rahi noa'tura to ratou peapea, no te mea te vai nei to te Tinito faehau i te mau vahia atoa, i mua e i muri hoi i te Tapone, e te tama'i huna noa râ ratou i te Tapone ma te manuia rahi.

Ua reva o TOTARE (D. L. Green), Orometua, i te 22 no Tiunu i mairi a'enei i to'na fenua ai'a i Utaha. Ua rave oia i te ohipa orometua i te mau fenua Tuamotu e i Tahiti nei, e ua faaea oia i rotopu ia tatou e piti matahiti e e vau ava'e i te rave-itoito-raa i ta'na mau ohipa.

Ua reva atoa o ANADEREA (A. N. Machen), Orometua, i te 15 no Tiurai i mairi a'enei i to'na fenua tumu i Idaho. Ua piti matahiti e e hitu ava'e oia i teie paeau moana nei. Ua rave hoi oia i ta'na ohipa i te Tuamotu e i Tahiti nei.

Te tupu nei te aroha o te mau taata o tei matau ia raua, e e rave rahi te mau hoa ta raua i vaiho i teie paeau fenua.

Te hoo: e 5 farane i te matahiti; e 10 fr. no na matahiti e 3.

Neneihia i roto i te Piha Neneiraa a te Ekalesia a Iesu Mesia I Te Feia Mo'a i Te Mau Mahana Hopea Nei. Papeete, Tahiti.

Marcel Bonnet Gérant. Kenneth R. Stevens, Imprimeur.
Rue Dumont d'Urville, Orovini, Papeete, Tahiti.

T

TE

ite i to
tamua
rave ra
vai te a
haapii
hi o te
ia faate
o te ho

E m
i to'na
roa te
ua, e t
tia ia p
na mau
mana'o
Iesu M
ra. E j

Te v
no te f
te Mes
matam
mai ia
ru-ê i t
â te re
ne, no
i te ma
o te m
te eka
ratou r